

89. Nqua Hu Cov Kwv Tij Suavdlawg

1. Nqua hu cov kwv tij suavdlawg
Ca le kawm Vaajtswv txuj lug
Vaaj Yesxus tug muaj kev hlub
Yuav paab txhua tug kuas dlim dlaab txhais teg
Yog tas peb lug txais yuav Nwg
Ua peb tug Tswv peb txhaj tau sab tshab
Peb lub sab kws nyam kev phem muab tso pov tseg
Lug ua tuab neeg tshab
2. Noob neej thooob plawg lub nplajteb
Tau ua phem Vaajtswv tseem hlub
Nwg txhaj qha thooob plawg qaab ntuj
Noob neej txhua tug kuas hloov dlua sab tshab
Mas thaus ntawd Vaajtswv yuav paab
Hab yuav zaam suavdlawg lub txim
Tug kws tig hlo rov qaab lug
Vaajtswv yuav pub txuj sa ntev ib txhis
3. Ca sab cov kwv tij ca sab
Yaam zoo tag yog ntuj ceeb tsheej
Vaaj Yesxus yog tug ncaaj nceeg
Mas Nwg yuav leeg txais yuav cov kws ntseeg
Yuav tsum ca sab rua Yesxus
Nwg txhaj pub kuas nyob kaaj sab lug
Hab yuav paab noob neej txhua tug
Dlim plawg kev txhum lug ua Nwg miv nyuas
4. Yog leej twg txais yuav Yesxus
Vaajtswv yuav pub txuj sa ntev
Yesxus twb tau nqeg lug cawm
Noob neej suavdlawg dlim plawg txuj kev txhum
Yog leej twg ntseeg Tswv Yesxus
Vaaj lug kub phoo qub phoo tshab
Tub qha kuas nwg muab lub sab
Dlawb paug ci tshav lawv le Vasjtswv qha